

O a mhullaich Gholgotha,
 Ciod a mod tha mu d' chuart!
 Co an t-Aon ud a chi mi,
 'S aghaidh shitheil gun snuagh!
 Fuidh chrann-ceusaidh ga 'd dhireadh!
 Bruite, sgith a dol suas!
 Cha leig silcadh mo shul dhomh
 'Seulltuinn dluth air 'san uairs'!

Na'm bu leir dha luchd-ceusaidh,
 Gur Efein a bha ann;
 Gur e bh' aca Messiah
 Crocht' air spicibh ri crann!
 Cha bhiodh luths anns na lamhaibh,
 Bhual na tairngean cho teann!
 Teanga bhorb a luchd toibheum,
 Bhiodh gu tostach nan ceann.

Cia mar nochdadh iad baigh dha,
 'S inntinn Chain nan cre?
 Spiorad eudmhor a mhortair,
 Gan cur thuige gu theum!
 Ged a chuir iad 'ga lotadh,
 Doimhne 'n drochmhein an ceill;
 Ann an gearun air dochann,
 Riu cha d'fhosgail e bheul!

Sheas an Gaisgeach na aonar,
 Anns a chaonnaig bha cruaidh!
 Dhoirt an fhearg air gu fraochail,
 Fhad 's bha braon anns a chuaich!!
 Chorp is anam le cheile
 Thug e 'n eirig a shluaigh!
 Co a thuigeas a dheuchainn?
 Ghleachd, a threine 'sa bhuaidh?